

Maman!



Progjet promovût di 'Il Friuli' e 'ARLeF'

SGRIFIGNADE
IL SEGN
CHE A LASSIN
LIS ONGULIS

LIS AVENTURIS DI VIGJI E LUMI

CJÂR DIARI,

jo e la mê paronute o zuin tant insiemi: salts sul sofà, rimpinadis su pes tendis, **sgrifignadis** intes gjambis.

Jê però, la mê paronute, si strache prime di me.

O viôt subit cuant che e à voie di lâ a nanâ:

e à i voi picinins

picinins e la muse taronde

come une scjatute di patè cul salmon.

Po e à la lenghe dute ingropade, che no rive a dî nancje il gno non: "Mumi, Milu, Lumi".

Cussì jo, che o soi un fregul plui sveade

di jê, o capis che e je ore ancje par me di lâ a durmî.

Anzit, no: o lassi che la mê paronute e sieri i vogluts, e o torni in cusine.

Gusiele mi spiète. Gusiele e je une moscje.

O zuin fintremai che l'orloi nol segne la miezegnot.

Gusiele e môf lente lis alis.

Jo o sint la code strache.

Il respîr de mê paronute al è sglonf e cjalt.

"Buine gnot Gusiele, a doman".

E, tal grim fof de mê paronute, ancje jo o voi a nanâ.

Une bussade,

Lumi



IL CJANTON DE CJANÇON

AL CRES FUART IL FRUT FURLAN!

(Peraulis di Daria Miani;
musiche di Flaviano Miani)

*Se a dilunc o vuei campâ
pôc di dut o ai di mangjâ,
mangjâ dut ma planc planchin
mi fâs ben al curisin.*




*Cu lis pomis e verdure
no si slargje la cinture,
cun dolçuts e caramelis
mâl di dincj, o viôt lis stelis!*

*Rit. No si à di esagjerâ
pôc di dut si à di mangjâ.
Mangjâ ben e mangjâ san
al cres fuart il frut furlan!*




Piçule cerce de cjançon
"Al cres fuart il frut furlan".
O podês scoltâle dute te
pontade di Maman! di cheste
setemane su Telefriuli.

LU SAVEVISO CHE...?




■ La moscje e à une percezion dal timp e dal spazi diferente di ché dal om. Al è par chest motif che al è une vore difil di brincâlis!

Tant par ridi



Savêso ce che a fasin dôs moscjis suntun gjelât di pane?
La setemane blancje!



EJCSOM

EJCOB

TÂLEJG

IOLRO



Maman! Tantis sorpresis ogni setemane.
Us din apontament su

telefriuli



Vinars aes 5.45 sot sere

Pagjine curade di Daria Miani
e dal Sportel Regionâl
pe Lenghe Furlane de ARLeF

ARLeF
AGENZIE
REGIONAL
PE LENGHE
FURLANE